


مجموعہ سنون

۱۸

جمعیت علمائے عثمانیہ



برنجی پست

ماہ محرم

نومبر ۱

اسپانہول

جریدہ خانہ دہ طبع اولیٰ منشدر

۱۲۷۹

(مقدمه)

سرمایهٔ سعادت دارین اولان علوم وفنون نافعهٔ ممالک محروسهٔ شاهانه ده نشر و تعمین سعى ایملک نیت خیریه سیه مقدمه بعض ارباب معلوماتدن مرکب اولق اوزره در سعادتده (جمعیت علمیه عثمانیه) عنوانیه بر جمعیت تشکلی ایتش و بودخی سلطنت سنیهٔ تریهٔ عامه حقنده سنزوار یوریلان مساعی جلیله سنه موافق بولندیغی جهته نزد عالیده رهین تحسین اوله رق اولباید اراده مکار حضرت پادشاهی شرفعلق یورلشیدی . اشو جمعیت بعض محال موقته ده بر قایج ماه عقد مجلس ایدرک نظامات لازمه سنی وضع و تأسیس ایله بعض آثار نافعه تهیه سنه چالش مقده بولنش ایسده اکثریا بو مقوله تشبثات خیریه بدایت حالده دوچار انواع مشکلات اولدیغندن دائمی صورته مرکز جمعیت اتخاذ اولنق اوزره هنوز بر محل مناسب ندارکنه دسترس اولنه مدیغی جهته شمیدی یه قدر بر وجه مقرر اجرای مقاصدینه شروع ایملک مبسر اوله مامشیدی . مجرد بنیان سلطنت و ناشر انوار برو عاطفت اولان ذات فضائلسمات حضرت پادشاهی اجداد کراملری تخت معالیخنه شو کتبخش جلوس اولدقلری

روز فیروز دنیرو صنوف تبعه وز یردستانلرینک هر وجهله انتظام
و سعادت حالری وسائلنک استحصالی اخص آمال جناب شهریاریلری
اوله رق بحمدہ تعالی مغبوط اعصار سلف اولان ایام مسعدت اتسام
سلطنتلری حقاروز بازار ترقی و عرفان ایکن جمعیت مذکورہنک شوخالده
قالمسی کرک اعضاسنک و کرک حصول آمالنی آرزو ایدن سائر ذوات
حجت سمانک زیاده موجب تأسی اوله رق قدرتلری مساعد اولدیغی
مرتبه فداکارلق اختیاریلہ عهد قریده لازم کلان محل مخصوص
تدارکی اسبابنک استحصالنه غیرت و حسبایسا عد التقدير خدمات
متصورہ سنک ایفاسنه بخلوص البال مباشرت ایلمکده بوکره عزیمت
ایتمش اوللریلہ جلہ وظائفندن بولنان اشبو (مجموعه فنون) عنوانیلہ
معنون اثرینک دخی سنہ جدیدہ ابتدا سندن بدأ ایله نشرینہ مبادرت
ایلمش لردر .

اشبو مجموعه فنون لا اقل اوتوز ایکی صحیفه دن مرکب اوله رق
بهر ماه ابتدا سنده بر کره چبقاریلہ حق و هر کسک اکلا یه جغنی صورته
سهل العبارة اولق اوزره دیانت و زمان حال پولیتیکه سندن ماعدا کافه
فنون و صنایعه متعلق معلومات نافعه یی مشتمل اوله جقدر . تحریری
یالکز جمعیت اعضاسنه منحصر اولوب دائرة وظیفه سی داخلنده هر
درلو مباحثه دائر خارجدن ویریلہ جک مواد مناسبه نک دخی بالممنونیه
درجنه مسارعت اولنه جقدر .

دنیا ده هر شی معروض نظر تقدیر و استحصانلری اولنان ذواتک
درجه میل و رغبتی نسبیلہ کسب ترقی و کمال ایلدیکندن بمنه تعالی
ایلروده اشبو اثر ناچیرانه من حقننده عامه طرفندن مجزوم الظهور
اولان علام قبول و رغبت تازیانه شوق و غیرت اوله رق بر قاندها

اصلاح و اكمال نقصانته اعتنا ايله سايه معاليوايه حضرت پادشاهيده
عموم اهالى حقنده بو مثللو بر اثر باهر المنافع احداثه حسن موفقيتمز
الطاف الهيدن مسئول و مستعدادر .

مجموعه فنونك احداثه اجنساد ايدن ذوات مملك سائر مطبوعات
عليه سنه مقبس بر مكمل شي ميدانه قومق ادعا سنده اوليوب قلت
بضاعده لخي اعتراف ايله برابر حسب الاستطاعه ابنای وطنه بر خدمت
ايلك نيت خالصانه سنده درلر . اشبو غزنه مملكتزده بو وادیده تركيه
مطبوعاتك برنجبسي اوله جغندن حسن تركيب و انتظامي شمديك آرزو
اوله جق درجده كوريله مز ايسه ده هر شي حال طفوليت و بدايت
ظهورنده نقص و قصور دن سالم اوله محبوب اصلاح و اكمال مرور زمان
و مساعده دورانه محتاج اولديغندن مطالعه سنه رغبت ايدن هنر سنجان
روزكارك خليده نظر مروت پرورلي اوله جق سهو و خطاياسي هدف
طعن و تعريض اولمقدن ايسه محرر ليك خلوص نيتند مقابله رهين
عفو و عنايت و بو يولده وقوعه بواه جق هر درلو اخطارات كمال
شكر ايتله تلقى و قبول اوله جغندن استغنديكي حالده تبليغي حقنده
دخي لطفاً اختيار زجت بيورملى متضرعانه تمنى و نياز اولنور
* الاى هنرمند پاكره خوى * هنرمند نشيده ام عيب جوى .
(متيف)

رئيس ثانی مجلس تجارت